

ლანჩხუთის მუნიციპალიტეტის საკრებულოს  
ფრაქცია „ლანჩხუთი ევროატლანტიკური მომავლისათვის“

2800 ლანჩხუთი, კოსტავას 37 0 494 00 77 95

N 164  
28/04/2017

164-07-3-201704281546



ლანჩხუთის მუნიციპალიტეტის საკრებულოს  
თავმჯდომარეს გიორგი ხელაძეს

მ ო ხ ს ე ნ ე ბ ი თ ი    ბ ა რ ა თ ი

ბატონო გიორგი,

გაცნობებთ, რომ მიმდინარე წლის 25 აპრილს მოწვეულ იქნა ლანჩხუთის მუნიციპალიტეტის საკრებულოს ფრაქცია „ლანჩხუთი ევროატლანტიკური მომავლისათვის“ სხდომა №5.

დანართი: სხდომის ოქმი № 5-7 (შვიდი) ფურცელი

პატივისცემით,

ელგუჯა ჩხაიძე

ფრაქციის თავმჯდომარე

ფრაქცია "ლანჩხუთი-ევრო ატლანტიკური მომავლისთვის"

**ლანჩხუთის მუნიციპალიტეტის საკრებულოს**  
**ფრაქცია „ლანჩხუთი ევროატლანტიკური მომავლისათვის“**  
**სხდომის ოქმი №5**

ქ.ლანჩხუთი  
წელი

25.04.2017

სხდომას ესწრებოდა: ფრაქცია „ლანჩხუთი ევროატლანტიკური მომავლისათვის“ თავმჯდომარე ელგუჯა ჩხაიძე.

ფრაქციის წევრები: გიორგი გოგუაძე, კახაბერ ასკურავა.

მოწვეული პირები: გამგეობის საფინანსო-საბიუჯეტო და მუნიციპალური შესყიდვების სამსახურის უფროსი როლანდ ლაშხია, პრესის წარმომადგენლები, საორგანიზაციო განყოფილების მთავარი სპეციალისტი საზოგადოებასთან ურთიერთობის საკითხებში მაია კუპატაძე.

**ფრაქციის თავმჯდომარემ ელგუჯა ჩხაიძემ სხდომას გააცნო დღის წესრიგის პროექტი:**

1. „ლანჩხუთის მუნიციპალიტეტის 2016 წლის ბიუჯეტის შესრულების ანგარიშის“ მოსმენის შესახებ.

/მომხსენებელი ე. ჩხაიძე/

2.სხვადასხვა.

**ფრაქციის თავმჯდომარემ, ელგუჯა ჩხაიძემ კენჭი უყარა დღის წესრიგის პროექტს. მომხრე 3, წინააღმდეგი არცერთი**

დღის წესრიგის პირველი საკითხი ლანჩხუთის მუნიციპალიტეტის 2016 წლის ბიუჯეტის შესრულების ანგარიში სხდომას გააცნო გამგეობის საფინანსო-საბიუჯეტო და მუნიციპალური შესყიდვების სამსახურის უფროსმა როლანდ ლაშხიამ. მან აღნიშნა, რომ ლანჩხუთის მუნიციპალიტეტის ბიუჯეტში 2016 წელს მობილიზებულია სულ შემოსავლები საგადასახადო, არასაგადასახადო და არაფინანსური აქტივების კლებიდან 3111.6 ათ. ლარი ანუ გეგმა შესრულებულია 93.0%-ით, მათ შორის საგადასახადო შემოსავლების გეგმა შესრულებულია 101.5%-ით. აქედან, საშემოსავლო გადასახადი 480,3 ათ. ლარი /73,9%/, საწარმოთა ქონების გადასახადის საკასო შესრულებამ შეადგინა 400.5 ათ. ლარი /121.4%/; ფიზიკურ პირთა ქონების გადასახადმა შეადგინა 17.7 ათ. ლარი /177.2%/; სასოფლო-სამეურნეო დანიშნულების მიწაზე გადასახადის საკასო შესრულება შეადგენს 130.0 ათ. ლარს /216.7%/; არასასოფლო სამეურნეო დანიშნულების მიწის 525.0 ათ. ლარს /109.4%/; არასაგადასახადო შემოსავლების საკასო შესრულება შეადგენს 865.4 ათ. ლარს და გეგმა 77.5%-ით არის შესრულებული; მ.შ. ბუნებრივი რესურსების სარგებლობიდან მიღებულია 90.8 ათ. ლარი, გეგმა შესრულებულია 30.3%-ით, შემოსავალმა მიწის იჯარიდან და მართვაში (უზურფრუქტი, ქირავნობა და სხვა) გადაცემიდან შეადგინა 8.8 ათ. ლარი /88.1%-ი/; სანებართვო მოსაკრებლიდან მიღებულია 6.9 ათ. ლარი, გეგმა შესრულებულია 69.8%-ით, მოსაკრებელი დასახლებული ტერიტორიის დასუფთავებიდან მიღებულია 8.0 ათ. ლარი, გეგმა შესრულებულია 58.8%-ით; არასაბაზრო წესით გაყიდული საქონელი და მომსახურებიდან მიღებულია 35.2 ათ. ლარი, გეგმა შესრულებულია 175.9%-ით; ჯარიმები, საქნციები და

საურავებიდან მიღებულია 694.5 ათ. ლარი, გეგმა შესრულებულია 91.0%-ით; სხვა არაკლასიფიცირებული შემოსავლებიდან მიღებულია 21.1 ათ. ლარი, არაფინანსური აქტივების კლებიდან მიღებულია 692.5 ათ. ლარი, გეგმა შესრულებულია 98.9%-ით; სახელმწიფო ბიუჯეტიდან მუნიციპალიტეტის ბიუჯეტის ფინანსური დახმარების სახით მიღებული აქვს 14286.4 ათ. ლარი ანუ გეგმის 99.9%-ი, აქედან გათანაბრებითი ტრანსფერი 5881,1 ათ. ლარი, მიზნობრივი ტრანსფერი 220,0 ათ. ლარი, საქართველოს რეგიონებში განსახორციელებელი პროექტების ფონდიდან მიღებულია 3897,6 ათ. ლარი, სოფლის მხარდაჭერის პროგრამისათვის 817,5 ათ. ლარი, სტიქიის შედეგად მიყენებული ზარალის სალიკვიდაციოდ 3641,3 ათ. ლარი, მთავრობის სარეზერვო ფონდიდან მიღებულია 250.0 ათ. ლარი.

როლანდ ლაშხიამ აღნიშნა, რომ სულ მუნიციპალიტეტის ბიუჯეტში შემოსულობების სახით საფინანსო წლის განმავლობაში მიღებულია 17398.0 ათ. ლარი ანუ გეგმის 98.6%-ი.

საფინანსო წლის დასაწყისში მუნიციპალიტეტის ბიუჯეტს ერიცხებოდა 403.3 ათ. ლარი, რომელიც მიიმართა ვალდებულებების დასაფინანსებლად.

ლანჩხუთის მუნიციპალიტეტის 2016 წლის ბიუჯეტი დამტკიცდა 2015 წლის 29 დეკემბერს N47 დადგენილებით 11235877 ლარის ოდენობით, განხორციელდა ცვლილება 2016 წლის 27 იანვრის N7 დადგენილებით, გაიზარდა ბიუჯეტი 187500 ლარით და განისაზღვრა 11423377 ლარის ოდენობით, 2016 წლის 18 თებერვლის N09 დადგენილებით შევიდა ცვლილება და დაემატა 2414997 ლარი და განისაზღვრა 13838374 ლარით, 2016 წლის 07 მარტი N12 დადგენილებით განხორციელდა ცვლილება და გაიზარდა ბიუჯეტი 1045756 ლარით და განისაზღვრა 14884130 ლარით, 2016 წლის 27 აპრილის N16 დადგენილებით გაიზარდა ბიუჯეტი 93534 ლარით და განისაზღვრა 14977664 ლარით, 2016 წლის 13 ივნისის N18 დადგენილებით გაიზარდა ბიუჯეტი 924901 ლარით და განისაზღვრა 15902565 ლარით, 2016 წლის 29 ივლისის N29 დადგენილებით გაიზარდა ბიუჯეტი 1721288 ლარით და განისაზღვრა 17623853 ლარით, 2016 წლის 17 ნოემბრის N27 დადგენილებით განისაზღვრა 17623853 ლარით, 2016 წლის 23 დეკემბრის N29 დადგენილებით გაიზარდა ბიუჯეტი 366849 ლარით და განისაზღვრა 17990702 ლარით.

სულ საფინანსო წლის პერიოდში ბიუჯეტში შეტანილი ცვლილებების შედეგად როგორც შემოსავალი, ისე ხარჯვითი ნაწილი გაიზარდა 6754825 ლარით.

მუნიციპალიტეტის ბიუჯეტიდან გაწეული იქნა 17584,1 ათ. ლარის ხარჯი; მათ შორის შრომის ანაზღაურებაზე მიმართულია 1758,1 ათ. ლარი, ბიუჯეტით გაწეული ხარჯების 19,8%-ი, შტატგარეშე მოსამსახურეთა შრომის ანაზღაურებაზე 130.9 ათ. ლარი გაწეული ხარჯის 1,5%-ი, მივლინების ხარჯების დაფინანსებაზე 5.2 ათ. ლარი, ოფისის ხარჯების დაფინანსებაზე 269,9 ათ. ლარი, /ხარჯის 3,0%/, წარმომადგენლობითი ხარჯების დაფინანსებაზე 15,5 ათ. ლარი, ტრანსპორტის მოვლა შენახვის ხარჯებზე 113,6 ათ. ლარი /ხარჯის 1,3%-ი/, სხვა საქონელი და მომსახურების ხარჯებზე 228,0 ათ. ლარი /ხარჯის 2,6%-ი/, არაფინანსური აქტივების ხარჯვაზე მიიმართა 8486,5 ათ. ლარი /ხარჯის 48,6%-ი/, სუფსიდირების წესით დაფინანსებაზე მიიმართა 4830,0 ათ. ლარი /ხარჯის 54,3-ი/, საზოგადოებრივი ჯანდაცვისა და სოციალური პროგრამის დაფინანსებაზე მიიმართა 503,1 ათ. ლარი /ხარჯები 2,9%-ი/, სხვა ხარჯების მუხლით გაწერილია 191,4 ათ. ლარი /ხარჯები 2,2%-ი/, ვალდებულებების კლების მუხლიდან გახარჯულია 670,8 ათ. ლარი /ხარჯები 7,5%-ი/, მუნიციპალიტეტის საკრებულოს ფუნქციონირებისათვის გაწეული იქნა 664,6 ათ. ლარის ხარჯი ანუ ბიუჯეტით გაწეული ხარჯის 7,5%-ი, მუნიციპალიტეტის გამგეობის ფუნქციონირებისათვის გაწეული იქნა 1563,0 ათ. ლარი ბიუჯეტის ხარჯების 17,6%-ი, სამხედრო აღრიცხვისა და გაწვევის სამსახურის დაფინანსებაზე მიიმართა 108,7 ათ. ლარი ხარჯების 1,2%-ი, ქალაქის ტერიტორიაზე მუნიციპალური შენობა ნაგებობებში დახარჯული წლის გადასახადს შეადგინა 1,1 ათ. ლარს, გარე განათების მოვლის ღონისძიებაზე მიიმართა 403,3 ათ. ლარი ხარჯების 4,5%, დასუფთავების და ნარჩენების გატანაზე მიიმართა 548,1 ათ. ლარი ხარჯების 6,2%, გარე განათებაზე გახარჯული ელექტრო ენერჯის ხარჯზე მიიმართა 152,6 ათ. ლარი ხარჯების 1,7%-ი,

სოც. კულტურული ღონისძიებების დაფინანსებაზე მიიმართა 25,8 ათ. ლარი ხარჯების 0,3%-ი, რელიგიის მხარდაჭერის პროგრამაზე მიიმართა 55.0 ათ. ლარი ხარჯების 0,6%-ი, ა(ა)იპ საგარეო-ეკონომიკური კავშირთა დეპარტამენტის, ინვესტიციების, ტრანსპორტის, ტურიზმის და მეწარმეობის განვითარების ცენტრის შენახვაზე გახარჯულია 143,7 ათ. ლარი ხარჯების 1,6%-ი, ა(ა)იპ სკოლამდელი საგანმანათლებლო სააღმზრდელო ცენტრი დაფინანსდა 1728,5 ათ. ლარი ხარჯების 19,4%-ი, ა(ა)იპ ლანჩხუთის სპორტული ცენტრის დაფინანსებაზე 380,1 ათ. ლარით ხარჯების 4,3%-ი, ა(ა)იპ მუნიციპალური საფეხბურთო კლუბი გურიას დაფინანსება 626,8 ათ. ლარია ხარჯების 7,0%-ი, ა(ა)იპ ლანჩხუთის ბავშვთა საფეხბურთო სკოლის დაფინანსება 185,4 ათ. ლარი შეადგინა ხარჯების 2,1%-ი, ა(ა)იპ ლანჩხუთის მუნიციპალიტეტის გოგონათა ექსპერიმენტალური სარაგბო საფეხბურთო სკოლის დაფინანსება 72,5 ათ. ლარი ხარჯების 0,8%-ი, ა(ა)იპ ლანჩხუთის მუნიციპალიტეტის კულტურის დაწესებულებათა გაერთიანება დაფინანსდა 1013,5 ათ. ლარი ხარჯების 11,4%-ი, ა(ა)იპ ლანჩხუთის საზოგადოებრივი ჯანდაცვის ცენტრის დაფინანსებაზე გაიხარჯა 130,4 ათ. ლარი ხარჯების 1,5%-ი, ა(ა)იპ ლანჩხუთის მზრუნველობამოკლებულთა უფასო კვებით უზრუნველყოფის დაფინანსებაზე გაიხარჯა 76,5 ათ. ლარი ხარჯების 0,9%-ი, სოციალური პროგრამების დაფინანსებაზე მიიმართა 372,7 ათ. ლარი ხარჯების 4,2%-ი, ა(ა)იპ ქართული ფეხბურთის განვითარების ფონდზე მიიმართა 535,1 ათ. ლარი ხარჯების 6,0%-ი, შპს ლანჩხუთის დაფინანსებაზე 105,9 ათ. ლარი ხარჯების 1,2 %-ი, ლანჩხუთის მუნიციპალიტეტის ინფრასტრუქტურის ობიექტების დაფინანსებაზე გაიხარჯა 8689,5 ათ. ლარი ბიუჯეტით გაწეული ხარჯების 49,4%-ი. მათ შორის ნაპირსამაგრი სამუშაოებზე მიიმართა 2295,2 ათ. ლარი; გზების სარეაბილიტაციო სამუშაოებზე 4064,5 ათ. ლარი; ხიდების მოწყობის სამუშაოებზე 638,0 ათ. ლარი; არასაცხოვრებელი ბინათმშენებლობის სამუშაოებზე 174,4 ათ. ლარი; სკოლამდელი დაწესებულებებისათვის მშენებლობა - რეაბილიტაციაზე მიიმართა 444,1 ათ. ლარი; ლანჩხუთის სკვერის კეთილმოწყობის სარეაბილიტაციო სამუშაოებზე 282,5 ათ. ლარი; საპროექტო სახარჯთაღრიცხვო დოკუმენტაციის შესყიდვაზე 35,0 ათ. ლარი; სოფლის მხარდაჭერის დაფინანსებაზე მიიმართა 733,8 ათ. ლარი; ნინოშვილის სახლმუზეუმის რეაბილიტაციაზე მიიმართა 21,8 ათ. ლარი.

მუნიციპალიტეტის 2016 წლის ადგილობრივი ბიუჯეტით დაფინანსებული შესყიდვების გეგმის ჯამი შეადგენს 700439 ლარს, ცენტრალური ბიუჯეტით დაფინანსებული შესყიდვების გეგმის ჯამი შეადგენს 8482614 ლარს. მოქმედი კანონმდებლობის შესაბამისად, მონეტარული ზღვარის გათვალისწინებით 2016 წლის განმავლობაში სულ გამოცხადებული იქნა 56 ტენდერი, არ შემდგარი ტენდერების რაოდენობა შეადგენს 4, უარყოფითი შედეგით დასრულდა სამი ტენდერი. ტენდერების შედეგად მიღებული იქნა 683755 ლარის ეკონომია. ინფორმაცია ტენდერების შესახებ ასახულია დანართი №1-ში. ტენდერის საშუალებით გაფორმებული იქნა 47 ხელშეკრულება. სულ 2016 წლის განმავლობაში განყოფილების მიერ გაფორმებული იქნა 213 ხელშეკრულება.

საქართველოს მთავრობის 2016 წლის 4 თებერვლის N175 განკარგულების შესაბამისად, საქართველოს რეგიონებში განსახორციელებელი პროექტების ფონდიდან სამუშაოების შესრულების მიზნით ამავე განკარგულებით გამოყოფილი იქნა 3858004 ლარი. ელექტრონული ტენდერის შედეგად გაფორმებული იქნა ხელშეკრულებები და შესრულდა სამუშაოები.

საქართველოს მთავრობის 2016 წლის 19 თებერვლის N265 განკარგულების შესაბამისად სოფლის მხარდაჭერის პროგრამის ფარგლებში ლანჩხუთის მუნიციპალიტეტისათვის გამოიყო 806256 ლარი. გამოყოფილი თანხიდან 50000 ლარის ოდენობით განხორციელდა რფგ-ის პროექტების თანადაფინანსება. დარჩენილი თანხა განაწილებული იქნა სოფლის მოსახლეობასთან შეხვედრებზე დასმული პრობლემების გათვალისწინებით. გამოყოფილი თანხით სულ სოფლებში დაფინანსდება 99 პროექტი.

საქართველოს მთავრობის 2016 წლის 27 მაისის N964 განკარგულებით სტიქიის შედეგების სალიკვიდაციოდ ლანჩხუთის მუნიციპალიტეტს გამოეყო 850000 ლარი. სამუშაოების შესყიდვის მიზნით გამოცხადებული იქნა ელექტრონული ტენდერი. ჩატარდა სულ ოთხი ელექტრონული

ტენდერი. ყველა ხელშეკრულება დასრულდა ვადაში, ხელშეკრულების პირობების დაცვით.

საქართველოს მთავრობის 2016 წლის 7 ივლისის N1340 განკარგულებით მუნიციპალიტეტს გამოეყო 68889 ლარი. აღნიშნული თანხით განხორციელდა სოციალურად შეჭირვებული ოჯახებისათვის სტიქიის შედეგად დაზიანებული საცხოვრებელი სახლის სახურავების შესყიდვა, რომლის შესყიდვა განხორციელდა გამარტივებული ელექტრონული ტენდერის საშუალებით.

საქართველოს მთავრობის 2016 წლის 18 ივლისის N1409 განკარგულებით მუნიციპალიტეტს გამოეყო 1652300 ლარი. აღნიშნული თანხით სამუშაოების შესყიდვის მიზნით ჩატარდა რვა ელექტრონული ტენდერი. ხელშეკრულება გაფორმებული იქნა ტენდერში გამარჯვებულ მიმწოდებლებთან. ყველა ხელშეკრულება დასრულდა ვადაში. შემსრულებლები არ დაჯარიმებულა.

მუნიციპალიტეტს 2016 წლის ბუღალტრული აღრიცხვა-ანგარიშგების განყოფილების მიერ ხორციელდებოდა დებულებით გათვალისწინებული ყველა ფუნქცია. ყოველდღიურად ხორციელდებოდა შემოსავლებისა და ხარჯების ყოველდღიური აღრიცხვა, ლანჩხუთის მუნიციპალიტეტის სამსახურების მუშა-მოსამსახურეთა ხელფასების, პრემიების, სამივლინებო თანხების დარიცხვა და საბანკო ანგარიშებზე თავისდროულად ჩარიცხვა, საშემოსავლო გადასახადების ანგარიშების შედგენა და დადგენილ ვადაში საგადასახადო ინსპექციაში წარდგენა, მუნიციპალიტეტში წარმოდგენილი ანგარიშების შესაბამისად კომუნალური და სხვა გასაცემი თანხების მომწოდებლებზე თავისდროულად გადარიცხვა, მისაწოდებელი და მიწოდებული საქონლის, სამუშაოების, მომსახურების მოცულობის, ხარისხისა და მიწოდების ვადების სახელმწიფო შესყიდვის შესახებ ხელშეკრულების მოთხოვნებთან შესაბამისობის დადგენის შემდეგ და შესაბამისი ინსპექტირების ჯგუფის დასკვნით, გაფორმებული მიღება-ჩაბარების აქტების საფუძველზე მომწოდებელზე თანხის ჩარიცხვა, ბუღალტრული დოკუმენტების, აღრიცხვის რეგისტრების, ხარჯთანუსხების, მათი გაანგარიშებების და სხვა საბუთების შენახვაზე კონტროლი და დადგენილი წესით მათი გაარქივება, ბიუჯეტის შემოსავლების და გადასახდელების ყოველდღიური აღრიცხვა, რითვისაც ყოველდღიურად მუშავდებოდა ხაზინიდან მიღებული ამონაწერები (ავიზოს), უზრუნველყოფილი იყო ლანჩხუთის მუნიციპალიტეტის ბიუჯეტში ზედმეტად ან შეცდომით გადახდილი თანხების დადგენილი წესით დაბრუნება, ლანჩხუთის მუნიციპალიტეტის ბიუჯეტის დაფინანსებაზე მყოფი მხარჯავი დაწესებულებებიდან საბიუჯეტო სახსრების ხარჯვის ანგარიშების (ბუღალტრული ბალანსების) მიღება, წარმოდგენილი ფაქტობრივად გაწეული ხარჯვის დამადასტურებელი დოკუმენტის (მიღება-ჩაბარების აქტი, ანგარიშ-ფაქტურა და სხვა) საფუძველზე საგადახდო დავალების მომზადება გადახდის განსახორციელებლად. ხდებოდა მეთოდოლოგიური დახმარების გაწევა და კონტროლის განხორციელება საბიუჯეტო დაწესებულებებსა და მუნიციპალიტეტის გამგეობისა მიერ დაფუძნებული საწარმოებებსა და დაწესებულებების საბუღალტრო აღრიცხვა-ანგარიშგების და მათთვის ბიუჯეტით გამოყოფილი სახსრების ხარჯვის დროს კანონმდებლობით დადგენილი პროცედურების სწორად განხორციელების საკითხებზე.

2016 წელს ბუღალტრული აღრიცხვა-ანგარიშგების განყოფილების მიერ მიღებულია მუნიციპალიტეტის მიერ დაფუძნებული თერთმეტი არასამეწარმეო(არაკომერციული) იურიდიული პირის და ერთი შეზღუდული პასუხისმგებლობის საზოგადოების მიერ წარმოდგენილი ყოველთვიური ანგარიშგების ფორმები, სულ ჯამში 141 ცალი ყოველთვიური ანგარიშის ფორმა. აღნიშნული ფორმები შედარებული იქნა ა(ა)იპ-ების და შპს-ს მიერ წარმოდგენილ წლიურ ხარჯთაღრიცხვებთან და მათ მიერ გაწეულ ხარჯებთან. ასევე 2016 წელს მიღებული იქნა 19 ცალი კვარტლური ანგარიშის ფორმა. ამჟამად მიმდინარეობს მუშაობა 2016 წლის წლიური ბალანსების მიღება-დამუშავებაზე.

დეპუტატმა **გიორგი გოგუაძემ** აღნიშნა, რომ 2016 წლის ბიუჯეტის ანგარიშის განხილვა აუდიტის დასკვნის გარეშე არასწორია, რის გამოც მიზანშეწონილად მიაჩნია ფრაქციის სხდომის უახლოეს დღეებში დაგეგმვა და აუდიტის დასკვნასთან ერთად 2016 წლის ბიუჯეტის ანგარიშის მოსმენა.

დეპუტატმა **გიორგი გოგუაძემ** აღნიშნა, რომ ფინანსთა სამინისტრო ჰქონდა გეგმა, რომ 2016 წელს ბიუჯეტში ჩამორიცხავდა 650 000 ლარს და ჩამორიცხა აღნიშნული თანხის 74%. ის დაინტერესდა რატომ მოხდა 170 000 ლარის დაკლება, რაზეც გამგეობის საფინანსო-საბიუჯეტო და მუნიციპალური შესყიდვების სამსახურის უფროსმა **როლანდ ლაშხიამ** განმარტა, რომ მათ ბაზა არ ქონდათ იმ ფიზიკური პირების, რომლებიც წლის განმავლობაში ერთხელ აბარებენ დეკლარაციას, მათ მიერ არ მოხდა წინა წლის სტატისტიკის გადახედვა, რამაც გამოიწვია აღნიშნული. მიმდინარე წლისთვის მას დაგეგმილი აქვს 500 000 ლარი. ფინანსთა სამინისტრომ საშემოსავლო ნაწილი მაინც შეასრულა მთლიანობაში.

დეპუტატმა **გიორგი გოგუაძემ** აღნიშნა, რომ ადგილობრივი ბიუჯეტი შესრულდა 93 %-ით, ბუნებრივი შემოსავლებიდან დაგეგმილი 550 000 ლარი ვერ შესრულდა და რომ არა მთავრობის მიერ გადმორიცხული 250 000 ლარი რამდენი პროცენტი იქნებოდა ადგილობრივი შემოსავალი? რაზეც **როლანდ ლაშხიამ** განმარტა, რომ ფინანსთა სამინისტროს მიერ გადმორიცხული 250 000 ლარით დაბალანსდა 2016 წლის ბიუჯეტი.

დეპუტატი **კახაბერ ასკურავა** დაინტერესდა, თუ რატომ არ მოხდა 2016 წლის ბიუჯეტის შესრულება 100% ით, როცა მთავრობის მიერ გადმორიცხული იქნა 250 000 ლარი.

დეპუტატმა **გიორგი გოგუაძემ**, აღნიშნა რომ საკრებულოს ბიუჯეტი შემცირდა 51 000 ლარით და გამგეობის 22000 ლარით. მაშინ, როცა საკრებულოს თავმჯდომარის მანქანა ორი წელია ბუქსირით გადაადგილდება, საკრებულოს არ მიეწოდება ინტერნეტი, არ აქვთ ქსეროქსის აპარატი, ანალოგიურადაა გამგეობაში, მხოლოდ გამგებელს და საფინანსო სამსახურს აქვს ინტერნეტი, რაც მისი თქმით სამარცხვინო ფაქტია.

დეპუტატი **გიორგი გოგუაძე** დაინტერესდა ა(ა)იპ-ების ბიუჯეტი ხელმოწერილია თუ არა გამგებლის მიერ და თუ ხდება ყოველთვიურად თანხის განსაზღვრა მათთვის, რაზეც **როლანდ ლაშხიამ** განმარტა, რომ ყოველ კვარტალურად აქვთ ბიუჯეტი გაწერილი.

დეპუტატის **გიორგი გოგუაძის** თქმით, დარღვეულია ფეხბურთის ბიუჯეტი. მათ სამი თვის განმავლობაში აქვთ გახარჯული მთელი წლის ბიუჯეტი. მას მიზანშეწონილად მიაჩნია, რომ ა(ა)იპ-ებში მოხდეს ბიუჯეტის ყოველთვიურად გადანაწილების დაბალანსება, რათა არ მოხდეს ა(ა)იპ-ების მიერ ერთმანეთში ფულის სესხება და კონტროლი უფრო შესაძლებელი იქნება ხელმძღვანელის მიერ. მან ასევე აღნიშნა, რომ მუნიციპალიტეტში ვერ ხერხდება დასუფთავების ადმინისტრირება და ამიტომ ნაგვის გადასახადის სახით შემოსავალი ვერ შედის ადგილობრივ ბიუჯეტში. როლანდ ლაშხიამ აღნიშნა, რომ მოხდა აღნიშნული საკითხის დაგეგმვა, მაგრამ უზრუნველყოფა ვერ მოხერხდა.

ფრაქციის თავმჯდომარემ **ელგუჯა ჩხაიძემ** აღნიშნა, რომ ა(ა)იპ-ების ბიუჯეტი გაწერილია ხელფასებზე, რაც მისი თქმით არასწორი მენეჯმენტის ბრალია. მან აღნიშნა, რომ ა(ა)იპ-ებს საქმეზე გათვლილი ბიუჯეტი არა აქვთ.

**გიორგი გოგუაძემ** დასვა შეკითხვა, თუ ვინ აგებდა პასუხს გასული წლის ბიუჯეტის ჩავარდნაზე. ასევე იმაზე, რომ დაირღვა 1/12-ის პრინციპი, როცა საფეხბურთო კლუბ „ლანჩხუთის გურია“ მთელი წლის

ბიუჯეტი 6 თვეში გახარჯა. მან ასევე აღნიშნა, რომ დასუფთავების სამსახურმა უნდა წარმოადგინოს ბიუჯეტი, მუნიციპალიტეტის ბიუჯეტიდან მას უნდა გამოეყოს თანხა შესაძლებლობის ფარგლებში, ხოლო დანარჩენი დაფინანსება უნდა მოხდეს დასუფთავების გადასახადების ხარჯზე. მან ასევე გამოთქვა უკმაყოფილება იმის თაობაზე, რომ წარმოდგენილ ბიუჯეტის შესრულების ანგარიშში ხელფასებზე მითითებულია მხოლოდ 20%. აქ არ არის გათვალისწინებული ა(ა)იპ-ების სახელფასო ფონდი, რეალურად გასულ წელს ხელფასებზე გაიცა ბიუჯეტის თითქმის 80%.

- ფრაქციის თავმჯდომარემ დააყენა წინადადება, რომ მოწვეული კერძო აუდიტის დასკვნის დადების შემდგომ ჩატარდეს ფრაქციის სხდომა და მოხდეს წლის ანგარიშის განხილვა და საბოლოო დასკვნის მომზადება, რასაც დაეთანხმა ფრაქციის წევრები.

#### სხვადასხვა

დეპუტატი კახაბერ ასკურავა დაინტერესდა, რა რეაგირება მოჰყვა საკრებულოს სხდომაზე მის მიერ გაუღერებულ განცხადებას, რომელიც გულისხმობდა 100% გრანტის მომპოვებელი სტუდენტებისთვის შენგენის ზონაში ვიზიტს, დაინტერესდა საკრებულოს მიერ გაგზავნილი იქნა თუ არა წერილები მაკორიტარი დეპუტატებისთვის (ნინო წილოსანი, ირაკლი ხახუბია) და მიიღო თუ არა საპასუხო წერილი მათგან საკრებულომ.

ფრაქციის თავმჯდომარე ელგუჯა ჩხაიძე დაინტერესდა, მოხდება თუ არა მიმდინარე წელს მინისტრადიონების რეაბილიტაცია.

ამით ფრაქციის სხდომამ მუშაობა დაასრულა.

ფრაქცია „ლანჩხუთი ევროატლანტიკური მომავლისათვის“

თავმჯდომარე:

ელგუჯა ჩხაიძე

ლანჩხუთის მუნიციპალიტეტის საკრებულოს ფრაქცია „ლანჩხუთი ეროატლანტიკური  
მომავლისათვის“ წევრთა დასწრების სარეგისტრაციო ფურცელი

25 აპრილს 2017 წელი  
11.00 საათი

№	სახელი, გვარი	გამოცხადების დრო	ხელმოწერა
1	ელგუჯა ჩხაიძე	10 <sup>15</sup>	<i>[Handwritten Signature]</i>
2	გიორგი გოგუაძე	10 <sup>55</sup>	<i>[Handwritten Signature]</i>
3	კახაბერ ასკურავა	10 <sup>00</sup>	<i>[Handwritten Signature]</i>